

IZVJEŠTAJ NEZAVISNOG REVIZORA

Upravnom odboru fudbalskog kluba "Tuzla City" Tuzla

Mišljenje

Izvršili smo reviziju priloženih finansijskih izvještaja Fudbalskog kluba "TUZLA CITY" Tuzla (u daljem tekstu: "Klub") koji obuhvataju bilans stanja na dan 31. decembra 2023. godine i odgovarajući bilans uspjeha, izvještaj o promjenama na kapitalu i izvještaj o tokovima gotovine za godinu koja se završava na taj dan, kao i pregled značajnih računovodstvenih politika i napomena uz finansijske izvještaje.

Po našem mišljenju, finansijski izvještaji prikazuju istinito i objektivno, po svim materijalno značajnim pitanjima, finansijsku poziciju Kluba na dan 31. decembra 2023. godine, kao i rezultate njegovog poslovanja i tokove gotovine za godinu koja se završava na taj dan, u skladu sa računovodstvenim propisima važećim u Federaciji BiH, Pravilnikom o licenciranju klubova za učešće u takmičenjima Premijer lige BiH i računovodstvenim politikama objelodanjenim u Napomeni 3. uz finansijske izvještaje.

Osnova za mišljenje

Reviziju smo izvršili u skladu sa Međunarodnim standardima revizije (MSR). Naše odgovornosti u skladu sa tim standardima detaljnije su opisane u odjeljku našeg izvještaja Odgovornosti revizora za reviziju finansijskih izvještaja. Mi smo nezavisni u odnosu na Klub u skladu sa Kodeksom etike za profesionalne računovođe Odbora za međunarodne etičke standarde za računovođe (IESBA Kodeks), zajedno sa etičkim zahtjevima koji su relevantni za našu reviziju finansijskih izvještaja u Federaciji BiH i ispunili smo i druge naše etičke odgovornosti u skladu sa ovim zahtjevima i IESBA Kodeksom. Smatramo da su revizijski dokazi koje smo pribavili dovoljni i odgovarajući i da obezbjeđuju osnovu za izražavanje našeg mišljenja.

Ostale informacije

Rukovodstvo je odgovorno za ostale informacije. Ostale informacije obuhvataju informacije uključene u godišnji izvještaj, ali ne uključuju finansijske izvještaje i Izvještaj revizora o njima. Ostale informacije se odnose na tabele kao što su Tabela za identifikaciju igrača, Tabela obaveza po osnovu transfera igrača, Tabela obaveza prema zaposlenima, Tabela obaveza prema poreskim/društvenim vlastima i Tabela obaveza prema N/FS BiH i UEFA i za potrebe licenciranja klubova za učešće u takmičenju Premijer liga BiH takmičarska sezona 2024./2025. U nabrojanim tabelama su iskazane obaveze po navedenim osnovama na dan 31. decembar 2023. godine kao i dospjele i nedospjele obaveze na dan 28. februar 2024. godine, kao i informacije o isplaćenim obavezama u periodima 1. januar - 28. februar 2024. godine i 1. mart - 31. mart 2024. godine.

Naše mišljenje o finansijskim izvještajima se odnosi na ostale informacije i ne izražavamo bilo koji oblik zaključka kojim se pruža uvjeravanje o njima.

U vezi sa našom revizijom finansijskih izvještaja, naša odgovornost je da pročitamo ostale informacije i pritom razmotrimo da li postoji materijalna nedosljednost između njih i finansijskih izvještaja ili da li izgleda da naša saznanja stečena tokom revizije, ili na drugi način, predstavljaju materijalno pogrešna iskazivanja. Ako, na osnovu rada koji smo obavili, zaključimo da postoji materijalno pogrešno iskazivanje ostalih informacija, od nas se zahtijeva da tu činjenicu saopštimo u izvještaju. U tom smislu, ne postoji ništa što bi trebalo da saopštimo u izvještaju.

Ostala pitanja

Nastavak poslovanja

Klub prema pokazateljima poslovnog rezultata, kapitala i ostalih bilansnih pozicija nema rizika nastavka poslovanja (Detaljnije u napomeni 16. Nastavak poslovanja revizorskog izvještaja).